

www.BibleForChildren.org


Mateo 8



Nu cua' nchca shan tsaan can' nchca sca ta'a se'en
ndyijyi cuilyi'o ne' quichen Caná se'en lyi'ya loo
Galilea. Lo'o jyi'an Jesús nguilyu can'. A cunta lo'o
Jesús lo'o ta'a nda'an ñi jui nu nguni 'in jun tsaa jun
se'en nchca ta'a can'.



Xa yatii vino 'in ne' juin jyi'an Jesús 'in ñi: Cua' mdyi
vino re. Xacan' juin jyi'an ñi lo'o yu nu nsu'hua vino
can': Tucua um tñan nchgaa cha' nu chcui' ñi.



Lo' juin Jesús 'in ne': Cu'ni cha'an um
quiton' cua lo'o tyi'a. Cui' xaa m'ni
cha'an ne' 'in na hasta la tu'hua na.
Xacan' juin ñi 'in ne': Su'hua um
tsachin' na, lo' tsa lo'o um 'in na 'in yu
nu ntsu'hui cunta 'in ta'a re.
Lo' cuaña'an m'ni ne'.



Yu nu ntsu'hui cunta 'in ta'a can' a ngu jlyo ti' yu la
mdo'o na, una nu ya lo'o 'in na jlyo ti' la mdo'o na.



Xa yi'o yu tyi'a nu mchca vino can', cui' xaa msi'ya
yu 'in yu nu ndyijyi cuilyi'o can', lo' juin yu 'in:
Nchgaa nten nsu'hua ne'
culo nducua la vino nu
tsu'hue, lo' xa cua' tlya
na yi'o ne', xacan'
nsu'hua ne' vino nu
cuxi ti, una 'un la
cua' ñii msu'hua
um vino nu
tsu'hue la.





Nde culoo cha' nu tnu m'ni Jesús quichen Caná se'en
lyi'ya loo Galilea, xa ncua chcan' loo
cha' cuiya' nda'an lo'o ñi, lo'
yu ta'a nda'an ñi ya
qui'an ti' 'in ñi.



Mdiyaa Jesús la na'an 'in yu Tyo, lo'
na'an ñi si'yana jyi'an laa yu nscua
ti'i lo'o tique'.



Yla' ñi yaa', lo' cui' xaa mdyi'o tique' can', mdyiton
ne' lo' mdyisnan m'ni cunta ne' 'in jun.



Xa cua' nguiaa cucha, mdiya lo'o ne' nchgaa nu
ti'i lo'o nu ntsu'hui cui'in xa'an 'in se'en ndon
Jesús, ña'aan quichen
ne' nguio' ti'in ne'
tu'hua tuna'an can'.



Jesús m'ni chca ñi 'in qui'an nu ti'i lo'o cuati loo
quicha nu ntsu'hui 'in ne', ngulo ñi cui'in xa'an nu
ntsu'hui 'in ne', lo' a mdaa ñi cha' cuiya' ti' chcui'
cui'in xa'an can' si'yana jlyo ti' can' tucui ca lca ñi.



Nchgaa nten can' nan ne' ña'an nu cula' ne' 'in ñi,
si'yana lo'o cha' cuiya' nda'an lo'o ñi ngui'ni chca ñi
'in nchgaa nu ti'i.



Xacan' tsa jacua yu qui' yu mdiya lo' o yu sca nu ti' i nu
ncua cuti ti' ña' aan, si' yana cu' ni chca Jesús 'in.



Si'ya nten qui'an can', a ncua sten
lo'o yu 'in nu ti'i can' se'en ndon
ñi. Can' cha' ycuen lo'o yu
'in nde que na'an, can' msla
yu sca se'en mdyi'ya sti
yu 'in nu ti'i
can' tloo ñi.




Xa na'an Jesús si'yana
lyee ndiya qui'an ti' yu
'in ñi, xacan' juin ñi 'in
nu ti'i can': Sñen', cua'
mchca qui'ya 'in.
Nan' chcuin' lo'o,
tyiton lo'
xñi s'ñan, lo'
quiaa nde
ña'an 'in.



Ña'aan yten Jesús ni' yca na'an, cua' lo'o yu
ta'a nda'an ñi yten 'in na. Cui' xaa
ti can' yaan sca quio cui'in tnu,
lo' mdyisnan nguitsa tiyo'
can', mdyiton sten na lo'
ncho'o ti'in na 'in yca
na'an can', una
Jesús nscua lja' ñi.



Juin ñi 'in yu: éÑi cha' ta nguitsen um, ta jo'o 'a
ndiya qui'an ti' um? Xacan' mdyiton ñi, lo' ngusun lo'o
ñi 'in cui'in can' lo'o tiyo' can', lo' cui' xaa mdi'in tiin
na. Ndyijyin ya' yuhue ti' yu
ta'a nda'an ñi lo' juin yu:
éTucui ca lca ñi re, ñi
cha' hasta cui'in
lo'o tiyo' re, lo'
ja'an na 'in ñi?



Tsala ña'an tlyu cha' tsu'hue 'in
Ndiose, nu hasta mdaa ñi scati Sñe'
ñi 'in nten chendyu, si'yana nchgaa
nu tsa qui'an ti' 'in ñi a quinan'
cusya 'in, cui' ca nu caja
chendyu nu a tsatii
'a 'in.



Romanos 3:23 si' yana nchgaa na m'ni na qui'ya,
mducua tijyo' na loo xaa 'in Ndiose.

Romanos 6:23 Cha' cu'ni na qui'ya tsatii cha'
'in na loo cha' ndyija, una cha' tsu'hue nu ndaa
Ndiose 'in na lca na chendyu nu a tsatii 'a
si'ya Ñi X'nan na Jesucristo.

Hebreos 9:27 Lo' tsaña'an nguinu scua cha'
'in nchgaa nten, siya' ti ntsu'hui cha' caja
ne', xacan' ca xñan bsya 'in ne',

Efesios 2:8,9 Si'ya cha' tsu'hue 'in Ndiose
mdo'o laa um loo nu ya qui'an ti' um 'in ñi, lo'
si'i cunta 'in um lca cha' can', cui' ca nu
si'ya cha' tsu'hue 'in Ndiose ti,



lo' si'i si'ya tñan tsu'hue nu cua'
m'ni um, si'yana a tucui nu cu'ni siye'.

Romanos 10:9,10 Cha' chcui' um si'yana Jesús
Ica Ñi X'nan na, lo' cha' lo'o cusya 'in um tsa
qui'an ti' um si'yana Ndiose m'ni ñi cha'
mdyiqui'o can', xacan' tyi'o laa um.

Lo'o cusya 'in na ndiya qui'an ti' na, lo' quinu
luhui na tloo Ndiose, cui' cuaña'an lo'o tu'hua
na nchcui' na cha' re, lo' tyi'o laa na.

Juan 3:16,17 Tsala ña'an tlyu cha' tsu'hue 'in
Ndiose, nu hasta mdaa ñi scati Sñe' ñi 'in nten
chendyu, si'yana nchgaa nu tsa qui'an ti' 'in ñi a
quinan' cusya 'in, cui' ca nu caja chendyu
nu a tsatii 'a 'in.



Si'yana a ngua'an tñan Ndiose 'in Sñe' ñi loo
chendyu re, ta si'yana so' tucua ñi qui'ya chon'
nten, cui' ca nu yaan ñi si'yana culo laa ñi 'in ne'.

1 Juan 5:11-13 Nde suun nu ntsu'hui cha' tsa
qui'an ti' na: Ndiose ndaa ñi chendyu nu a tsatii
'a 'in na, lo' chendyu can' nda'an lo'o Sñe' ñi.
Nu cua' ncuan xu'hue 'in Sñe' Ndiose, cua' jui
chendyu nu a tsatii 'a 'in, lo' nu a nchca cuan
xu'hue 'in Sñe' Ndiose, a ntsu'hui chendyu 'in
can'. Nde cha' nda'an quityi re 'in um, 'un nu
ndiya qui'an ti' 'in Sñe' Ndiose, si'yana ca
cuiya' ti' um cua' jui chendyu nu a tsatii 'a
'in um, lo' tsa quiñan la um tsa qui'an
ti' um 'in Sñe' Ndiose.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Chatino, Nopala Bible (cya) © 2013, David Neil Nellis

<https://live.bible.is/bible/CYAAVV/MAT/1>

©2026 Bible for Children, Inc.

www.M1914.org

www.bibleforchildren.org

